



**VARAHLUTIR OG
ANNAÐ SEM ÞARF
FYRIR BÍLINN**



VERSLUN SINDRAGÖTU 12

Opið mánudaga til föstudaga 8-18
Opið laugardaga 10-14
Sími: 456-1300

Dýrðardagar við Djúp

Auðvitað var ég ungur og óreyndur í þá daga. En einhvern veginn gekk þetta allt vel. Og ég held bara að ég hafi þroskast heilmikið á þessum árum sem liðin eru síðan að mér skolaði hér upp á fjörur safnaðarins, segir séra Magnús Erlingsson, sóknarprestur á Ísafirði og prófastur í Vestfjarðaprófastsdæmi, í viku vikur.

— sjá bls. 6 og 7.



Óháð fréttablað á Vestfjörðum **BÆJARINS BESTA**

Stofnað 14. nóvember 1984 · Fimmtudagur 23. júlí 2015 · 29. tbl. · 32. árg. · Ókeypis eintak



Lundi í Vigur

EINFÖLD REIKNIVÉL
Á EBOX.IS

eBOX
auðveldar smásendingar



Í STÓRUM SKIPUM RÚMAST LÍKA
SMÆRRI SENDINGAR



eBOX er ný, þægileg og einföld lausn til að flytja minni sendingar frá Evrópu til Íslands. Á ebox.is er reiknivél sem segir þér á augabragði hver flutningskostnaðurinn er. Traust og áreiðanlegt leiðakerfi Eimskipa á Norður-Atlantshafi tryggir að sendingin þín kemur heim með fyrstu ferð. Auðvelt og fljótlegt.

EIMSKIP
eBOX

Eimskip | Korngeirðum 2 | 104 Reykjavík | Sími 525 7000 | www.ebox.is

SAMKAUP ÚRVAL ÍSAFIRÐI

AÐSTOÐARVERSLUNARSTJÓRI

Aðstoðarverslunarstjóri óskast til framtíðarstarfa í verslunina Samkaup Úrval á Ísafirði

Vinnutími frá klukkan 08:00 -18:00 virka daga og ein helgi í mánuði.

Viðkomandi þarf að geta hafið störf fljótlega.

Umsóknir sendist á Samkaup Úrval Ísafirði eða á netfangið: isafjordur@samkaupurval.is

Allar nánari upplýsingar veitir Ingólfur verslunarstjóri – s: 893 0456.

Samkaup Úrval
Hafnarstræti 9-13
400 Ísafirði

UNGVERJALAND Í SEPTEMBER

Fararstjóri: Sandor Matus

21. - 30. SEPT. 2015

Flug: Keflavík - Berlín - Búdapest

Hótel: Gist á Hotel Corvin 3ja stjörnu hótél

Innifalið: 4 dagsferðir - gisting m/morgunverði

Sandor býður upp á kynningu hjá hópum og félagsamtökum eftir óskum

Nánari upplýsingar:
sandor@fabtravel.is | www.fabtravel.is | Sími: 846 9959

FAB TRAVEL | Glerárgötu 7 | 600 Akureyri | www.fabtravel.is

Björgunarfélag Ísafjarðar fær sjópoka



Sjóbakpokar.

Mikið hefur verið um útköll hjá Björgunarsveitum á Vestfjörðum að undanförunu. Þegar svona mikið er að gera þá finna björgunarmenn hvað myndi auðvelda þeim björgunarstarfið. Björgunarfélag Ísafjarðar sem tekið hefur þátt í öllum þessum útköllum var að fá til sín sjóbakpoka sem ætlaðir eru fyrir fjalla-björgunarbúnað. Sjópokarnir eru hannaðir til að verja fjalla-björgunarbúnað fyrir sjógangi og þess háttar og því nauðsynlegir þegar þarf að sigla norður á friðlandið Hornstrandir.



Leiksvæði við Eyrarskjól.

Stefnan er að börn komist í leikskóla við eins árs aldur

Starfshópur Menntamálaráðuneytisins skilaði af sér skýrslu vegna þingsályktunar um leikskóla að loknu fæðingarorlofi á

dögunum. Hópurinn kemst meðal annars að þeirri niðurstöðu að stjórnvöld ættu að stefna að því að bjóða öllum börnum leikskóla-

dvöl frá tólf mánaða aldri. Þrátt fyrir þessa breytingu væri ennþá gap sem þyrfti að brúa því eins og er þá er fæðingarorlof níu mánuðir.

Ljóst er að til þess að brúa bilið á milli fæðingarorlofs og leikskóla þarf að leggja fram umtalsvert fjármagn og ekki hafa öll sveitarfélög burði til þess.

Því leggur hópurinn til að breytingin verði innleidd í áföngum og í upphafi verði miðað við að veita öllum börnum pláss á leikskóla við átján mánaða aldur.

Starfshópurinn bendir á að til að ná settum markmiðum þurfi að fjölga leikskólakennurum til að geta mannað leikskóla með

fagfólki. Þá velti hópurinn upp þeim möguleika að tekið verði upp sveigjanlegt innritunarkerfi í leik- og grunnskóla án þess að skila beinum tillögum. Hópurinn bendir þó á mögulegar leiðir á borð við að innrita leik- og grunnskólanema tvisvar á ári.

ellathora@bb.is

Tilkynning um væntanlegt útboð vegna bygginga-framkvæmda í Mjólkársvirkjun

Orkubú Vestfjarða ohf. hyggst endurnýja hluta af vélbúnaði í stöðvarhúsi Mjólkársvirkjunar í Arnarfirði. Verkið mun hefjast í haust og ljúka haustið 2016. Verkið felst meðal annars í jarðvinnu og uppsteypu utandyra og múrbroti, uppsteypu og niðurrekstri stálpilja innandyra.

Helstu magntölur eru áætlaðar eftirfarandi:

- | | |
|-------------------------------------|--------------------|
| - Gröftur (opin gryfja): | 120 rúmmetrar |
| - Mótaflötur: | 150 fermetrar |
| - Járnabending: | 5500 kg. |
| - Steinsteypa: | 85 rúmmetrar |
| - Múrbrot (gólf og veggir): | 90 rúmmetrar |
| - Múrbrot (gamlar vélaundirstöður): | 30 rúmmetrar |
| - Niðurrekstur stálpilja: | 5 stk. Lengd: 5,1m |

Áætlað er að útboðið verði auglýst 31. júlí, útboðsgögn afhent þann 11. ágúst og tilboð opnuð 1. september 2015. Verktími er áætlaður um 12-13 mánuðir.



Orkubú Vestfjarða ohf.



HÚSASMIÐJAN



blómaval



RÝMINGAR-SALA

Á SUMARVÖRUM



— RÝMINGARSALA & ÚTSALA —
ALLT AÐ 50% AFSLÁTTUR

GARÐHÚSGÖGN **30–40%**, SUMARBLÓM **20%**, GARÐLEIKFÖNG **30–40%**,
RAFMAGNS- OG BENSÍNORF **20%**, REIÐHJÓL **20–30%**, TRAMPÓLÍN **20%**,
TRÉ OG RUNNAR **50%**, RAFMAGNSSLÁTTUVÉLAR **25%**, GASGRILL **20%**,
ÚTIPOTTAR **30%**, GOSBRUNNAR **30%**, FRÆ **50%**, GARÐSTYTTUR **30%**,
REIÐHJÓLAFYLGHIHLUTIR **30%**, GRILLÁHÖLD **30%**, BÚSÁHÖLD **25%**,
CLABER GARÐVÖRUR **40%**, KEÐJUSAGIR **20%**, HEKKKLIPPUR **30%**,
MATJURTIR **50%** OG ÓTAL MARGT FLEIRA.



Með fyrirvara um prentvillur og myndavíxl. Úrval getur verið misjafnt milli verslana. Afsláttur gildir ekki af vörum merktum „Lægsta lága verð Húsasmiðjunnar“.

525 3000 • husa.is



Útgefandi: Gúttó ehf., kt. 680501-2620
Afgreiðsla og ritstjórn: Silfurgötu 1, Ísafirði, sími 456 4560
Ritstjóri BB og bb.is: Sigurjón J. Sigurðsson, 892 5362, bb@bb.is
Ábyrgðarmaður: Sigurjón J. Sigurðsson.
Blaðamaður: Smári Karlsson, 866-7604, smari@bb.is
Auglýsingar: Sími 456 4560, auglysingar@bb.is
Prentvinnsla: Litróf ehf.
Upplag: 2.200 eintök
Dreifing: Íslandsþóstur. Dreift án endurgjalds inn á öll heimili á norðanverðum Vestfjörðum
Stafræn útgáfa: www.bb.is / facebook.com/pages/bbis
Önnur útgáfa: Á ferð um Vestfirði
ISSN 1670-021X

Tekið er á móti auglýsingum á pósthafið bb@bb.is.
Auglýsingar þurfa að berast fyrir kl. 17 á mánudögum
fyrir útgáfudag sem er almennt á fimmtudögum.

Ritstjórnargrein

Förum að með gát

Haft er á orði að erfitt sé að kenna gömlum hundi að sitja. Vel má heimfæra tilvitnaða námstregðu á æði margt sem hendir á lífs-göngunni án þess að seppi, einn tryggasti vinur mannsins í gegnum aldirnar, komi þar beint við sögu. Hverju sem um er að kenna virðumst við lítið hafa lært af Hruninu, með stórum staf, þegar allt átti að gerast í gær og menn sáu fyrir sér álver út um allar trissur. Álver í Helguvík var krafa dagsins, allt í lukkunnar velstandi, utan lítilræði eins og raforka fyrir verksmiðjuna, sem fyrirfannst ekki, frekar en kirkjan hjá presti, í kvæði Davíðs. Af fréttum að dæma er álið í Helguvík orðið að kísilmálm, en orkan, sem HS ORKA lúrir á, eftir sem áður bundin álveri. Já, það er margt mannanna bölið.

Nú er flestum ljós alvaran að baki fullyrðingarinnar um að lengi taki sjórinn við. Hafið er ekki síður en landið viðkæmt fyrir umgengninni. En, lengi tekur Hvalfjörðurinn við, finnst mörgum. Hvað munar um eitt stykki sólar kísilverksmiðju til viðbótar við járnblendid og álið? Og mikið lá á. Þrátt fyrir margvíslegar ábendingar og alvarlegar athugasemdir var málið keyrt í gegn. Allt á færiband nema rafmagnid, sem fyrirfinnst ekki frekar en fyrri daginn.

Og nú hafa sveitarfélög á Norðurlandi vestra slegist í biðröðina eftir álveri í hérað. Bara pínulítið álver! Horft er til Blönduvirkjunar, hætt verði að sólunda rafmagni frá virkjuninni út um hvippinn og hvappinn á Landsnetskerfinu, vitnað er til áratuga gamalla ummæla, sem einhver fyrri tíma fyrirmaður á að hafa misst út úr sér, að orkuna frá Blönduvirkjun eigi auðvitað að nýta í héraði. (Hvernig ætli höfuðborgarbúum lítist á þá hugmynd að fá einungis rafmagn frá virkjunum innan borgarmarkanna?)

Er nema von að spurt sé: Hvar erum við stödd í stóriðjukapphlaupinu. Hversu langt erum við komin í vegferðinni að endimörkum hins mögulega? Er ekki endurnýjun orkugjafanna takmörkum háð? Sagt er að það sé heilög skylda meirihluta að gæta réttar minnihlutans. Er það ekki að sama skapi skylda okkar, sem nú ráðum för, að gæta réttar þeirra, sem á eftir koma?

„Gakktu varlega, vinur minn. / Vel getur skeð, að fótur þinn / brotni, því urðin er ógurleg. / Enginn ratar um þennan veg, / því lífið er leiðin til dauðans.“ Svo orti skáld sem lést í blóma lífsins, 24ra ára að aldri. Horfum fram á veginn, en förum með gát.

s.h.

Spurning vikunnar

Ert þú sátt(ur) við nýbyggingu höfuðstöðva Landsbankans við Hörpuna í Reykjavík?

Alls svöruðu 549.

Já sögðu 26 eða 5%

Nei sögðu 438 eða 91%

Hlutlaus sögðu 18 eða 4%

Netspurningin er birt vikulega á bb.is og þar geta lesendur látið skoðun sína í ljós. Niðurstöðurnar eru síðan birtar hér.



Ísafjörður.

Guðmundur vill kaupa bæjaríbúðirnar

Það er athafnamaðurinn Guðmundur Tryggvi Ásbergsson (Muggur) sem hefur sóst eftir að kaupa allar íbúðir í eigu Fasteigna Ísafjarðarbæjar. „Ég ætla ekkert að tjá mig um þetta núna, fyrst þarf þetta að ganga í gegn. Fyrsta skefið er að athuga með áhuga hjá bænum og það er verið að skoða það núna,“ segir Guðmundur Tryggvi. Fasteignasalan

Garðatorg hefur milligöngu um málið eins og áður hefur verið greint frá. Um er að ræða 103 íbúðir sem einkahlutafélagið Fasteignir Ísafjarðarbæjar á en félagið er að fullu í eigu Ísafjarðarbæjar og var stofnað utan um íbúðir sem bærinn fékk í fangið þegar molnaði undan félagslega húsnæðiskerfinu.

Viðbrögð forsvarsmanna Ísa-

fjarðarbæjar við fyrirsögninni hafa verið á þá leið að ekki sé fært að selja allar íbúðirnar því bærinn þurfi að sinna félagslegum skyldum sínum. Komið hefur fram að íbúðirnar eru gríðarlega skuldsettar og rétt verð þurfi að fást fyrir þær svo ekki komi til mikilla afskrifta.

smari@bb.is



Torgið í Neðsta. Marzellíus Sveinbjörnsson tók myndina.

Bráðum verður torg

Nú er verið að byggja upp og laga til svæðið í kringum húsin í Neðstakaupstað á Ísafirði. Framkvæmdir ganga vel og á svæðið að vera tilbúið í ágúst 2015. Framkvæmdirnar hafa þó ekki

fælt ferðamenn frá því að heim-sækja Neðstakaupstað því að-sóknarnet var slegið föstudaginn 26. júní hjá Byggðasafni Vest-fjarða í Neðstakaupstað þegar 960 ferðamenn komu í safnið.

Það verður gaman að koma í Neðstakaupstað þegar framkvæmdum verður lokið og allt er orðið fínt.

ellathora@bb.is



Mjúkís



— MED —
SUDRÆNNI LÍMÓNU
1L



Mjúkís er kominn í nýjan og glæsilegan búning. Sumarísinn í ár er vænn og grænn.
Hann er svalandi á sjóðheitum stundum og stúttfullur af lokkandi límónu.
Smakkaðu — og þú kemst í sumarskap.

Ég hef aldrei séð eftir þeirri

Það er næstum aldarfjórðungur síðan séra Magnús Erlingsson vígðist sem sóknarprestur til Ísa-fjarðar. Núna á björtum sumar-degi var hann beðinn að líta yfir þennan tíma, sem má í aðra rönd-ina virðast nokkuð langur, hugsanlega líka mjög stuttur þegar horft er til baka. Hvað vill hann segja almennt um þessa vegferð, hvað hefur verið gott, hvað hefur verið kannski ekki eins gott?

„Já, það er rétt, það eru 24 ár síðan mér skolaði hér upp á fjörur safnaðarins. Ég hafði unnið á Biskupsstofu sem hálfgerður umbi í fimm ár að loknu guð-fræðiprófi. Titill minn þar var fræðslufulltrúi og ég var í ýmsum verkefnum, eins og að útbúa barnaefni. Svo fannst mér ég alþúinn að skipta um starfsvettvang, að ég hefði þroska til að takast á við ábyrgðarmeira embætti. Að vísu man ég þegar ég kom hingað fyrst, að þá horfði einhver kona á mig og sagði: Almáttugur, presturinn er bara barn! Ég var svolítið unglegur þá, en núna hefur enginn sagt þetta við mig í langan tíma!“ segir séra Magnús.

Dýrdardagar við Djúp

„Ef ég ætti að skilgreina þennan kafla ævinnar, þá myndi ég gefa honum yfirskriftina *Dýrdardagar við Djúp*. Það er afskaplega gott að vera hérna, hér er gott mannlíf. Ágætur maður sagði eitt sinn við mig, að á Suðureyri væri þéttbýli, en í Reykjavík væri hið mesta strjálbýli. Þetta er alveg rétt. Á Suðureyri getur maður bara gengið á milli og farið allra sinna erinda á fimm mínútum, þar er allt í göngufæri, en í Reykjavík er maður hálf tíma á bíl að komast á einn stað.

Í Reykjavík er að vísu meira úrval af menningu og búðum sem selja einhverjar flíkur, en hvað er það miðað við ægifygurð vestfirskrar náttúru og nándina við fjöllin! Hér er líka góð þjónusta og allt við hendina. Ef bíllinn bilar, þá fer maður á verkstæði þar sem maður þekkir karlana og fær góða þjónustu. Og svo þegar maður kynnist fólkinu, þá hittir maður svo marga með gullhjarta, gott fólk, skemmtilegt fólk, öðruvísi fólk.“

Engin rós án þyrna

„En varðandi dýrdardagana mína hér fyrir vestan: Það hafa líka komið erfiðir dagar, dimmir

dagar, sorgardagar. Slíkt gerist í lífi einstaklinga og líka í lífi byggðarlaga. Það hafa orðið ýmis slys á þessum tíma og í þeim efnum var snjóflóðakafinn fyrir um tuttugu árum mikill hörmungatími. Þetta hefur sko ekki alltaf verið eintóm sæla. Stundum leið mér þannig, að ég vildi helst leggjast niður og grenja og hverfa ofan í jörðina.

Auðvitað finnur maður fyrir óskaplegri smæld sinni sem prestur standandi frammi fyrir því þegar fólk er að missa ættingja sína. Þegar maður horfir um öxl og hugsar um þetta, þá veit maður að lífið er ekki tóm sæla, það er líka fullt af mótlæti. En eftir að maður kemst í gegnum hlutina með góðra vina hjálp og fer að horfa á þá úr vissri fjarlægð, þá stendur eftir allt það sem var gott og tókst vel.

Hið góða er eftirminnilegra en það slæma og erfiða. Kannski er bara gott að finna fyrir smæld sinni, því það eykur manni auðmýkt. Og þá kann maður betur að meta allt það góða sem lífið hefur upp á að bjóða. Því að veröldin er þrátt fyrir allt stórkostleg. Eins og til að mynda þegar maður að sumarlagi gengur um og sér fegurðina og hlustar á lóna syngja sín dirrindí, horfir á barnið sem er úti að leika sér og hrópar Halló Maggi! eða spyr Ert þú presturinn? eða bendir á kirkjuna og spyr Átt þú heima í þessu húsi? Já, þá lýkst það upp fyrir manni að lífið er sannarlega dásamlegt.

Þannig að þegar ég horfi til baka, þá segi ég að þetta hafi verið dásemdartími þrátt fyrir nokkra erfiða og sára daga. Í lífinu er engin rós án þyrna. Þessu held ég að flestir prestar kynnist vel í gegnum störf sín.“

Höfum notið þess að eiga hér heima

„Hvað sjálfan mig áhrærir, þá hefur þetta í heildina verið gleðitími fyrir fjölskylduna. Við komum hér tvö. Ég og konan mín Kristín Torfadóttir vorum tiltölulega nýgift þegar við settumst hér að. Fyrstu árin kenndi Kristín myndlist við grunnskólann, en núna starfar hún á leikskóla. Og svo í fyllingu tímans eignuðumst við tvær yndislegar dætur.

Við fjölskyldan höfum virkilega notið þess að eiga heima hérna fyrir vestan. Eldri dóttir okkar Dórothea er hálfnuð með Menntaskólann á Ísafirði en sú

yngrri Sigríður var að fermast í vor. Þær eru báðar í tónlistarnámi og hafa verið lengi og spila báðar á píanó. Sú yngri er líka í listdansi.“

Tónlistin gefur Ísafirði mikið líf

Spurður um tónlistarlífið á Ísafirði, sem hefur verið landsfrægt lengur en elstu menn muna, kveðst séra Magnús oft hafa hugsað um það hvað það eru mikil forréttindi að geta farið hér á tónleika.

„Hér getur maður jafnvel sest á fremsta bekk og verið tvo metra frá tónlistarfólkinu, þannig að stundum nálgast þetta hreinlega að vera einkatónleikar. Náandin er einhvern veginn svo mikil. Þetta er ólíkt því að fara til dæmis í Hörpuna í Reykjavík. Hér eru allir salir minni og meðal annars þess vegna er náandin meiri. Hér fer maður líka á kaffihús og þar er einhver með gítar að spila. Tónlistin gefur Ísafirði mikið líf.“

Ertu tónlistarmaður sjálfur?

„Nei, en ég fór hins vegar og lærði söng. Ég þótti nú aldrei mjög söngvinn. Sem barn hafði ég ágæta rödd en söng líklega töluvert falskt án þess að taka eftir því. Ég man að söngkennarinn minn sagði stundum við mig: Magnús minn, þú skalt bara syngja svolítið lægra!“

Ekki svona hátt, pabbi!

„En ég fór og lærði söng hjá Guðrúnu Jónsdóttur, og þá varð ég, bara að ég held, að ágætum tónara. Ég gerði þetta til þess að ég gæti tónað hér messusönginn án þess að fólk færi að gretta sig allt of mikið. Ég var bara nokkuð fljótur að ná þessu undir leiðsögn Guðrúnar. Síðan tóna ég ágætlega bæði Gregor og séra Bjarna og hef reyndar mjög gaman af því að syngja.

Oft syng ég fyrir sjálfan mig, en dæturnar segja stundum: Ekki svona hátt, pabbi, fólk heyrir í þér! En svo set ég líka iðulega tónlist í tækið, til dæmis þegar ég þarf að gera eitthvað heima. Mér leiðist að vísu óskaplega mikið að taka til, skúra gólf eða annað álíka. En víst verður maður að sýna einhvern lit í heimilisstörfum, og þá set ég gjarnan á fóninn einhverja rokkatónlist, eins og Queen.

Mér finnst gaman að hlusta á mismunandi tónlist eftir því hvað ég er að gera. Ég hlusta gjarnan á óperur þegar ég elda mat, sem ég hef reyndar mikið yndi af. Það

fylgir því einhver stemmning að hafa ítalska óperu þegar maður er í eldhúsinu. Lífið er yndislegt, la dolce vita!“

Prestur á Ísafirði til áttæðs?

Þú sóttir, séra Magnús, eitt sinn um embætti annars staðar ...

„Jafnan þegar kirkjuhöfðingjar hafa komið hingað vestur, þá hafa þeir spurt mig að því hvort ég ætli ekki að fara að sækja um eitthvert annað brauð. Og þar kom að því að ég fór að hugsa um að kannski væri nú gott fyrir söfnuðinn hér að fá einhverja tilbreytingu, kannski væri bara upplýfting fyrir hann að fá nýjan prest. Þannig að ég prófaði einu sinni að sækja um. Það voru fjórtán aðrir prestar sem sóttu um það embætti.

Ég varð nú ekki fyrir valinu, en þegar ég kom til baka úr þessari suðurferð, þá var ég svo mikið kysstur hér úti á götum af hinum og þessum konum, sem allar sögðust hafa verið bænheyrðar, að ég hugsaði með mér að þetta ætti ég ekki að gera aftur. Ímyndið ykkur bara hvað hefði gerst ef blöðin hefðu náð myndum af öllu þessi kossafleinsi?

Þannig að söfnuðurinn situr víst uppi með mig. Kannski verð ég svona fastur punktur í tilverunni eins og Björnsbúð var. Alla vegna er útlit fyrir að ég verði hér áfram um allnokkurn tíma, því að í útvarpinu heyrði ég að áform væru uppi um að hækka eftirlaunaaldurinn í áttatíu ár. Kannski verð ég bara prestur hér þangað til ég verð áttæður! Þess vegna er það nú eins gott að vera duglegur að taka lýsi og allt það!“

Hættur í sókninni

Þú ert kannski farinn að stunda íþróttir og heilsurækt?

„Hræddur er ég nú um það, enda þótt íþróttir séu öðrum þræði stórhættulegar. Ég hef nefnilega verið virkur meðlimur í Feita félaginu á Ísafirði til marga ára, en þar leggja menn stund á knattspyrnu sér til ánægju og yndisauka. Að vísu fer mér alltaf aftur í þessari fótamennt. Ég er smátt og smátt að verða stirðari og þyngri. Og ungu mennirnir í félaginu þjóta framhjá mér á fleygiferð.

Ég er ekki lengur í sókninni, þrátt fyrir að vera sóknarprestur. En ég er farinn að verða mjög fastur fyrir í vörninni. Með tímanum hef ég fært mig aftur á völlinn. Núna er ég lagstur í vörn

og er mjög góður að verjast og standa á marklínunni fyrir skotunum. Kannski er þetta tímanna tákn, því að mér sýnist að kirkjan sé einnig lögst í vörn núna hin seinni árin. Já, það er um að gera að hafa gaman af lífinu.

Feita félagið er mjög skemmtilegur félagsskapur. Við spilum alltaf síðdegis á sunnudögum. Þegar ég er búinn að messa og sinna ákveðnum skyldustörfum, þá er svo ágætt að fá útrás í því að sparka bolta í góðra vina hópi.“

Lífrænt kirkjulíf í vestrinu

Séra Magnús er prófastur í Vestfjarðaprófastsdæmi, en kjálkinn var sameinaður í eitt prófastsdæmi fyrir nokkrum árum.

„Þá er nú gott að hafa start-hæfan jeppa, eins og Laxness sagði,“ segir sr. Magnús og hlær. „Þetta er nokkuð stórt svæði,“ segir hann, og bætir því við að hann hafi verið tepptur sökum ófærðar eða veðurs í öllum mánudum ársins, síðast núna í júní-byrjun þegar Dynjandisheiði var ófær vegna snjóa og skafrennings. Í júlí í fyrra var hann tepptur í Aðalvík vegna þess að ekki þótti leggjandi á sjóinn vegna roks og stórsjóa.

Núna er séra Magnús nýkominn úr ferðalagi ásamt vígslubiskupinum í Skálholti, Kristjáni Val Ingólfssyni (fyrrum sóknarpresti á Ísafirði), þar sem þeir skoðuðu allar sóknarkirkjur á Vestfjörðum. Ferðin gekk vel og hvarvetna var tekið vel á móti vígslubiskupi og prófasti, kannski þó með einni undantekningu. Í Árnesi á Ströndum lét vígslubiskupinn í ljós gleði sína yfir kríuvarpinu mikla, en varla hafði hann sleppt orðinu þegar kríurnar tóku sig til og skitu á hann í bak og fyrir, fyrst á skyrtubríðstöð og svo á bakið á blessuðum biskupnum.

„Þetta var mjög góð ferð, við hittum fullt af fólki og skoðuðum kirkjurnar, sem flestar eru í góðu standi. Nokkrar af kirkjunum hér í vestrinu eru í raun þjóðargersemar. Í einni kirkjunni fundum við Grútarbíblíu og í annarri Steinsbíblíu. Já, og svo fundum við líka torkennilegan hvítan sveppagróður í einni kirkjunni, svona um það bil sentimetra á hæð. Þannig má segja að kirkjulífið hér í vestrinu sé nokkuð lífrænt og spennandi.“

Svo leið árið ...

Varstu alltaf ákveðinn í því að setjast hér að?

í ákvörðun



„Nei. Þegar ég kom til Ísa-
fjarðar á sínum tíma, þá réð ég
mig bara til ársins. Ég sagðist
vilja prófa það að vera hér í eitt
ár. Eftir það gæti ég ákveðið hvort

ég vildi vera lengur og söfnuður-
inn líka hvort hann vildi hafa
mig áfram. Nú, svo leið árið, og
þá var gengið frá því að ég yrði
áfram. Ég hef aldrei séð eftir

þeirri ákvörðun.

Auðvitað var ég ungur og
óreyndur í þá daga. En einhvern
vegin gekk þetta allt vel. Hér
var gott fólk sem var tilbúið að

hjálp mér og leiðbeina.

Og ég held bara að ég hafi
þroskast heilmikið á þessum
árum sem liðin eru síðan að mér
skolaði hér upp á fjörur safnaðar-

ins,“ segir séra Magnús Erlings-
son, sóknarprestur á Ísafirði og
prófastur í Vestfjarðaprófasts-
dæmi.

Hlynur Þór Magnússon.



Hringsdalur. Mynd: Ingrid Kuhlman.

Fornleifar eru vannýtt auðlind á Vestfjörðum

Félag áhugafólks um fornleifar á Vestfjörðum bendir á nokkra staði á Vestfjörðum sem áreiðanlega mundu vekja áhuga erlendra ferðamanna ef aðgengi að þeim væri bætt, minjunum haldið við og með upplýsingagjöf. Með stuðningi stjórnvalda væri hægt að skapa ótal fleiri áningastaði fyrir ferðamenn en eingöngu við náttúruperlur landsins. Í dag verja stjórnvöld aðeins um 30 milljónum króna í fornleifarannsóknir.

Eypór Eðvarsson, formaður Fornminjafélags Súdandafjarðar segir að hér á Vestfjörðum séu margar merkleigar minjar sem gætu verið áhugaverðar fyrir ferðamenn að skoða. Í Keravík og Stöðina í Staðardal í Súdandafirði, væri hægt að byggja upp mjög spennandi ferðamanna- stað. Útsýnið út dalinn er stórkostlegt og þar gæti verið staði fyrir

rútur og bíla. Með því að endurbyggja, samkvæmt ströngustu reglum um minjavernd, verstöðvarnar gömlu og upplýsa ferðafók um sögu þessara staða og mikilvægi þeirra á fyrri tímum. Eins mætti segja frá sjóslysnum sem voru tíð, lífinu í verunum, hákarlaveiðum, hlutverki kvenna svo fátt eitt sé nefnt.

Hringsdalur í Hringsdal er líka staður, að sögn Eypórs, sem gæti verið stór ferðamannastaður. Þar fannst víkingakuml frá fyrstu tíð, spjótsoðdur, sverð, bátur, skjaldarbolá og fleira. “Þar hefur ekkert verið gert, nema moka yfir og setja upp upplýsingaskilti. Staðurinn er að fjúka burt og naustið í hólum er að hverfa í brimið. Þarna væri hægt að koma upp íslenskri víkingasýningu” sagði Eypór að lokum.

ellathora@bb.is

Atvinna

Verkstjóri óskast til starfa hjá Vestfiski í Súðavík

Vestfiskur ehf í Súðavík óskar eftir að ráða verkstjóra til starfa. Í starfinu felst ábyrgð á daglegum rekstri verksmiðju Vestfisks í Súðavík.

Umsækjendur þurfa að hafa almenna tölvukunnáttu ásamt því að vera góðir í mannlegum samskiptum, þá er það kostur að hafa vald á enskri tungu ásamt einu norðurlandamáli, þó er það ekki skilyrði.

Umsækjendur sendi umsóknir til Vestfisks ehf Freyjugötu 2 430 Suðureyri fyrir 1. Ágúst n.k.

Ef frekari upplýsinga er óskað er hægt að hringja í 8930960 Ævar og eða 8922482 Óðinn.

Vestfiskur ehf er stofnað árið 1993 og hefur fyrirtækið sérhæft sig í framleiðslu og sölu á harðfiski fyrir innlendan og erlendan markað.

Megin starfsemi fyrirtækisins er í Súðavík þar sem þurrkklefar, vinnslurými og þökkun er staðsett

Fyrirtækið framleiðir þurrkaðan fisk í þremur fullkomnum þurrkklefum auk þess sem hjallur í Arnardal er fyrir hefðbundinn roðfisk.

Vestfiskur ehf. er í eigu Fiskvinnslunnar Íslandssögu hf og Klofnings ehf á Suðureyri ásamt því að Freska seafood er eigandi, en það er sölufyrirtæki sem selur afurðir Vestfisks.

Poszukujemy pracownika na stanowisko brygadzysty w Zakladzie Vestfiskur ehf. w Suðavíku

Vestfiskur ehf. poszukuje pracownika na stanowisko brygadzysty. Do zakresu obowiazków naleza czynnosci zwiazane z codziennym prowadzeniem zakladu Vestfisk ehf. w Suðavíku.

Wymagana znajomosc obslugi komputera, umiejetnosc wspólpacy z innymi, znajomosc jezyka angielskiego. Znajomosc jednego z jezyków nordyckich mile widziana, ale nie wymagana.

Wnioski nalezy przesylac na adres Vestfisk ehf., Freyjugötu 2, 430 Suðureyri. Termin skladania wniosków uplywa 1 sierpnia tego roku.

W celu uzyskania blizszych informacji nalezy kontaktowac sie z Ævarem tel. 893 0960 lub Óðinem tel. 8922482

Zaklad Vestfiskur ehf. zostal zalozony w 1993 roku. Zaklad zajmuje sie produkcja i sprzedaza suszonej ryby na rynek krajowy i zagraniczny. Glówna siedziba zakladu znajduje sie w Suðavíku, gdzie mieszca sie suszarnia, hala produkcyjna oraz dzial pakowania produktu. Produkcja odbywa sie przede wszystkim w 3 wysokiej jakosci suszarkach oraz suszarniach tradycyjnych znajdujacych sie na swiezym powietrzu w Arnadal.

Wlascicielami Zakladu Vestfiskur ehf. jest Zaklad Przetwórstwa Rybnego Íslandssaga hf., Klofning ehf. w Suðureyri oraz Firma Freska seafood zajmujaca sie dystrybucja produktów Vestfisk ehf.

Vestfirðingar þurfa flugvöll í Reykjavík

Flugvallarnefndin sem undir forsæti Rögnu Árnadóttur núverandi aðstoðarforstjóra Landsvirkjunar og fyrirverandi dóms- og mannréttindaráðherra komst að þeirri niðurstöðu að Hvassahraun sunnan Hafnarfjarðar væri besti kosturinn fyrir innanlandsflugvöll, en hann mun að öllum líkindum kosta 25 milljarða króna. Það er nú gott og blessað. Bjarni Benediktsson núverandi fjármálaráðherra hefur talað á þeim nótum að um leið og skattheimtu verði stillt í meira hóf en verið hefur þurfi að nota allar aukatekjur ríkissjóðs til þess að greiða skuldir og bæta stöðu sjóðsins. Það er skynsamlega sagt og hugsað. Almennigur á Íslandi hlýtur að velta fyrir sér hvar eigi að taka fé fyrir nýjum flugvelli. Enginn hefur spurt landsbyggðarfólk um þeirra afstöðu til þessa hugsanlega nýja flugvallar, enda hefur það lýst skoðun sinni að það vilji hafa núverandi Reykjavíkurflugvöll þar sem hann er. Sennilega þykir Degi B. Eggertssyni ástæðulaust að láta álit fólks utan Reykjavíkur trufla sig við að finna upp nýjan flugvöll, sem fólk með fullu viti og kunnáttu á flugmálum hefur lýst vangæfan miðað við Vatnsmýrarvöll. En við verðum að treysta því að nefndin hafi unnið af hlutlægni, kunnáttu og viti allri þjóðinni til gagns um komandi framtíð.

Sannast sagna vekur niðurstaðan talsverða undrun og flestir

áttu sennilega von á burðugri ályktun um flugvallarmálið í Reykjavík, einkum með tilliti til formanns nefndarinnar. Verkið var því marki brennt að gefnar forsendur hlutu að leiða til vonlittillar samsuðu þar eð sá rammi sem því var búinn reyndist furðulegur og enn skrítnar var í nefndina skipað og því nefndarfélagi vorkunn. Dagur B. Eggertsson borgarstjóri hefur aldrei dregið dul að andúð sinni á flugvellinum, og er það helsti greinalegi kostur hans í málinu öllu. Af hverju mátti ekki athuga möguleika á nýtingu Reykjavíkurflugvallar samanborið við þennan kost? Einnig hefði verið eðlilegt að kanna möguleika á því að færa innanlandsflug til Keflavíkur, þótt fæstu fólk á landsbyggðinni þyki það fýsileg leið. Hún opnar þó túristum leið út á land.

Okkur Vestfirðingum finnst og það með rökum að nauðsynlegt sé að geta sótt þjónustu til Reykjavíkur með skjótum og öruggum hætti og erum flest andsnúið lokun neyðarbrautar 6/24 á Reykjavíkurflugvelli. Við verðum að geta treyst sjúkraflogi og að takast megí að koma sjúklingum fljótt og vel undir læknishendur þar sem þjónustan er best. Brýnt er að ráðherra staldri við og skoði alla kosti vel áður en ákvarðanir verða teknar. Landspítalinn verður í Reykjavík og þangað þurfa allir landsmenn að geta sótt þegar mikið liggur við.

Stakkur skrifar

Stakkur hefur ritað viku- lega pistla í **Bæjarins besta** í mörg ár. Skoðanir hans á mönnum og málefnum hafa oft verið umdeildar og vak- ið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrif- um **Stakks** á meðan hann notar dulnefni sitt.

AGA GAS ALLS STAÐAR



Ísafjörður: Vélsmiðja Þrastar Marzellíussonar ehf, s. 456 3349.
Bjarkalundur: Hótel Bjarkalundur, s. 695 2091.

ÞÚ GETUR SLAKAÐ Á OG
UPPLIFAÐ ÖRYGGI VIÐ
GRILLIÐ MEÐ AGA GAS

ÍSAGA ehf • WWW.GAS.IS
Breiðhöfða 11 • 110 Reykjavík • Sími 577 3000



Dagar Íslands

eftir Jónas Ragnarsson

23. júlí 1983: Tvíburarnir Guðmundur og Páll Gíslasynir í Reykjavík héldu upp á átt-ræðisafmæli sitt, en það mun vera einsdæmi hér á landi.

24. júlí 1956: Vinstri stjórnin, ríkisstjórn undir forsæti Hermanns Jónassonar, tók við völdum. Hún sat í rúm tvö ár. Þetta var stjórn Framsóknarflokks, Alþýðubandalags og Alþýðuflokks. Meðal ráðherranna var Gylfi Þ. Gíslason sem var menntamálráðherra í öllum ríkisstjórnnum til 14. júlí 1971 eða í fimmtán ár.

25. júlí 1946: Samþykkt var á Alþingi „að sækja um inn-göngu Íslands í bandalag hinna sameinuðu þjóða“.

Aðildin var samþykkt 9. nóv.

26. júlí 1959: Eyjólfur Jónsson synti úr Kjalarnestanga til Reykjavíkur. Vegalengdin er um 10 kílómetrar og tókundið 4,5 klukkustundir.

27. júlí 1955: Stærsta síld sem vitað er um í heiminum veiddist á Sléttugrunni. Hún var 46,3 sentimetrar löng og vó 710 grömm, talin tíu ára.

27. júlí 1987: Ísafjarðarkirkja stórskemmdist af eldi, en þetta var bárujárnsklætt timburhús. Kirkjan var vígð árið 1863. Ný kirkja var reist.

28. júlí 1974: Þjóðhátíð var haldin að Þingvöllum í blíðskaparveðri. Um fjórðungur þjóðarinnar sótti hátíðina sem var til minningar um 1100 ára afmæli Íslandsbyggðar.

29. júlí 1977: Þýskur bankaræningi var handtekinn í Reykjavík með 277 þúsund mörk. Fé hafði verið lagt til höfuð honum erlendis.

30. júlí 1907: Friðrik Danakonungur kom til Reykjavíkur. Hann ferðaðist m.a. um Suðurland og til Ísafjarðar

Helgarveðrið

Horfur á föstudag:

Hæg breytileg átt. Skýjað með köflum og skúrir um allt land, síst þó NV-til. Hiti 6 til 14 stig, hlýjast syðst.

Horfur á laugardag og sunnudag:

Hæg breytileg átt. Skýjað með köflum og skúrir um allt land, síst þó NV-til. Hiti 6 til 14 stig, hlýjast syðst.

Krossgátan

				ALGER		ÞÁTT-TAKANDI	FLOKKA		ELDS-NEYTI	HNÓÐA	GLUFA
	HRAUSTUR										
	JAFNVEL							NÆRA			
								ÁVÖXTUR			
	BYLGJAST										
	ÍPRÓTT								FRÁ		
									TÍF		
	↓	BINDA	MERGÐ	EKKI			ÓLÆTI			PRÓ-GRAMM	SLENGJAST
				KEYRA			REFSA				
SANN-FÆRINGAR						HNUPL					
						YFIR-BREIÐSLA					
RÁF					KOLA-TEGUND						
					HADNA						
TVEIR EINS			TEMUR					ÖLDUR-HÚS			
			ÓGÆFA					ÞURRKA ÚT			
ÆXLUNAR-KORN				ÓSVIKINN					Í RÖÐ		
				STÖNG					SLÁ		
GÁSKI						EFTIRRIT					
						KRAFTUR					
		TALA					ÞROT				MARGVÍS-LEGAN
		VÍSA					SVÍKJA				
ÁNA					AF				EIGI	KJAFT	
					FUGL						
BERIST TIL			HESTUR					BÓK-STAFUR			
			ÆTT					ILLÆRI			
LÉLEGUR						BRENNI-VÍDD					
ÓSTILLTUR						MERKJA					
KK GÆLU-NAFN						ELDSTÆÐI					

BÍLAVERID ehf

Hjólbarðapjónusta
Smurpjónusta

Smáviðgerðir

Sindragötu 14 • 400 Ísafirði
Sími 456 3501 • www.bilaverid.is

H.V. UMBOÐSVERSLUN ehf
Suðurgötu 9 • 400 Ísafjörður • Sími 456 4666 • Netfang hekla.vestfj@hafsteinn.is



HEKLUSALURINN
Nýir bílar og notaðir

Þjónusta í heimabyggð frá 1983

				ÓPOL	HÖGN	PRAUT	NÚMER		RINGUL-REIÐ	ÖNDUNAR-FÆRI
				FEIKI-MIKIÐ	O	F	G	N	Ó	T
				SKJÓTUR	F	R	Á	R	SAMPYKKI ANDVARP	J
				VEIÐAR-FÆRI	N	E	T	GEÐ SAFNA SAMAN	S	Á
				ESPAST	Æ	S	A	S	T	ÁTT
				SÝKING	S	M	S	KJAFT ÖLJETI	M	U
				SKILABOD FRA	S	M	S	KJAFT ÖLJETI	M	U
				FRAGÐ	F	R	A	M	I	FUOL HUGARRÓ
				KVEIKJARI	R	O	F	I	VÍÐSKIPTI GARDI	S
				POT	O	T	LUFSA ÆTTAR-SETUR	T	J	Á
				HLÓÐIR	S	T	Ó	FÆÐA	A	L
				SKITUR	T	A	Ð	HAUT GASKI	T	A
					P	SEYTLAR RIST	A	G	A	R
				FUOL	U	G	L	A	HÆKKA SLÉTTUR	R
				TVEIR EINS	R	R	BJARTUR HLAUP	L	J	Ó
				STRUNSA	R	I	G	S	A	ESPA
				GEIL	K	L	E	I	F	SVARDAGI
				MJÖG	A	L	L	TÖLUVERT	N	O

Sudoku prautilir

2		8	6	4				
5	3	6	9					7
	4	9	2				1	
	7					3	6	
	2			5		8		
	6		7		3			
				2	8	5		
	8							3
	5	3	1	7		2		6

	2		6			1	8	
4	6		2		8	3		
8	5		3	7	1	4		2
			4		2	7	3	
6		2	1	3	5			4
		8	7		9			1
	3			1		2	7	
	1	6	8					
2					3			5

Act alone og Ísafjarðarbær gera með sér samstarfssamning

Ísafjarðarbær og listahátíðin Act alone hafa gert með sér samstarfssamning fyrir næstu tvær hátíðir. Markmið samstarfsins er að efla Act alone enn frekar. Um er að ræða 500 þúsund króna styrk fyrir hvort ár auk þess sem bærinn sér um ýmsa praktíska þætti á Suðureyri fyrir hátíð, eins og slátt, götusópun og þess háttar. Act alone verður haldin dagana 5-9 ágúst og upplýsingar um dagskrána má nálgast á vefsíðu hátíðarinnar: sudureyri.is/actalone/index.asp.



Gísli Halldór Halldórsson og Elfar Logi Hannesson handsala samninginn.

Gangstéttir endurnýjaðar í Bolungarvík



Hellulagt í Bolungarvík.
Ljósni: H. Sveinbjörnsson.

Áætlað er að setja um 12 milljónir króna í endurnýjun gangstétta í Bolungarvíkurkaupstað á þessu fjárhagsári. Ljóst er að víða er þörf á viðhaldi gangstétta og þörfin víðtækari en svo að Bolungarvíkurbær ráði við að mæta henni á einu ári með öðru. Alltaf er þó reynt að gera við verstu skemmdirnar sem upp koma hverju sinni. Þá hefur verið lögð áhersla á að bæta aðgengi fyrir hreyfihamlaða með því að lækka gangstéttar á götuhornum þannig að auðveldara sé að fara um með hjólastóla og göngu-grindur. Því verki er þó hvergi nærri lokið.

Af nýlegum framkvæmdum við gangstéttar má nefna að við Höfðastíg hefur verið skipt um gangstétt frá Aðalstræti að Völusteinsstræti og gangstétt við Hvíta húsið svokallaða er í endurnýjun upp að Miðstræti. Það er hluti af því átaki sem hefur verið í gangi við að fegra ásýnd miðbæjarinnar í Bolungarvík m.a. í kringum Félagsheimilið og í nágrenni þess. Stefnt hefur verið að því að lagfæra og endnýja samstæð svæði í einu lagi en einnig hafa illa farin svæði fengið viðhald.

smáar

Þriggja herbergja íbúð til sölu á Austurvegi 12. Íbúðin þarfnast lagfæringa. Uppl. í síma 571 5657.




Ingibjörg Sigríður Guðmundsdóttir

Móholti 3, Ísafirði

Kæru ættingjar og vinir. Einklegar þakkir fyrir auðsýnda samúð vegna fráfalls elskulegrar eiginkonu, móður, tengdamóður og ömmu.

Guðmundur Salómon Ásgeirsson
Ásgeir Guðmundsson Margrét Jónsdóttir
Aron Guðmundsson Kristbjörg Tinna Sigurðardóttir
Anna Púriður Sigurðardóttir
Guðmundur Salómon Ásgeirsson, yngri.

Þjónustuauglýsingar



Fréttir og upplýsingar um réttindi og kjör á vinnumarkaði
www.verkvest.is



Sími í Bolungarvík 450 7900
Sími á Ísafirði 450-7910

Aðalstræti 19, 415 Bolungarvík • Hafnarstræti 9, 400 Ísafjörður



HRAÐFRYSTIHÚSIÐ-GUNNVÖR HF.
- spálfrætt nýting stjórnaðlunda





Das Auto.



VELKOMIN Á BÍLASÝNINGU

HEKLUSALURINN á Ísafirði býður þér að líta við á bíla-sýningu sem er opin **föstudaginn 24. júlí kl. 13-18** og **laugardaginn 25. júlí kl. 10-16**.

Þar verða sýndir nýir og spennandi fjölskyldubílar frá Volkswagen eins og **Touareg, Tiguan, Variant og e-Golf**.